

Datum: 23.4.2025.

Broj: 02-06-1033

BH PRAVOSUĐE SVE ZATVORENIJE ZA JAVNOST: SUDOVI I TUŽILAŠTVA SELEKTIVNO DIJELE INFORMACIJE, IGNORIŠU GRAĐANE I MEDIJE

Banja Luka, 23. april 2025. godine – Kantonalni sud u Zenici, Tužilaštvo Brčko Distrikta BiH, Općinski sud u Zenici te Vrhovni sud Republike Srpske su među najbolje ocijenjenim pravosudnim institucijama u BiH po indeksu transparentnosti pravosuđa, dok su najlošije institucije po ovom parametru ujedno i one koje zabrinjavajuću **nespremnost institucija da se ozbiljno suprotstave korupciji**.

Najbolju ocjenu indeksa transparentnosti zabilježili su **Kantonalni sud u Zenici** (indeks 87), **Tužilaštvo Brčko Distrikta BiH** (85), te **Općinski sud u Tuzli** (82), dok se među prvih pet nalaze i Tužilaštvo Zeničko-dobojskog kantona (81) i Vrhovni sud RS (80). Sa druge strane, među najgore ocijenjenim institucijama nalaze se Općinski sudovi u Kalesiji i Sarajevu i Osnovni sud u Doboju (30), te Osnovni sud u Zvorniku (29) i Općinski sud u Srebreniku (26), kao najmanje otvorene institucije u BH pravosuđu (rezultate za sva tužilaštva i sudove pogledajte na kraju teksta).

Rezultati istraživanja [Indeksa transparentnosti pravosuđa](#), koji mjeri nivo proaktivne, reaktivne i transparentnosti prema medijima, pokazuje da jedna trećina, odnosno 32 od ukupno 94 sudova i tužilaštava na svim nivoima u BiH uopšte **ne odgovara** ne medijske upite o svojim predmetima. Osim toga, 50% tužilaštava u Bosni i Hercegovini **ignoriralo** je medijski upit o sadržaju žalbi na presude dok je 62% sudova odbilo dostaviti ili **potpuno ignoriralo** medijske upite u vezi presuda koje su donijeli.

Zahtjevi medija za dostavljanje audiovizuelnih materijala snimke i pristup optužnicama najčešće se odbijaju, a ovakav odnos prema medijima dodatno **otežava nadzor** javnosti nad radom pravosudnog sistema.

Indeks transparentnosti ocjenjuje dostupnost informacija na web stranicama, odgovore na zahtjeve za pristup informacijama i saradnju institucija s medijima pri čemu svaka od tri komponente nosi određeni broj poena (52, 30 i 18), čiji zbir čini ukupnu ocjenu na skali od 0 do 100.

Ukupno gledano, analiza pokazuje blago poboljšanje u odnosu na 2022. – više od polovine zahtjeva za pristup informacijama riješeno je u zakonskom roku s potpunim odgovorima, a

smanjen je broj slučajeva ignorisanja zahtjeva sa 16% na 12,8%. Ipak, zabrinjava trend **rasta odbijenih zahtjeva**, što može ukazivati na sve zatvoreniji pristup institucija.

Dodatni razlog za zabrinutost predstavlja to što Institucije pravosuđa **različito tretiraju podnosiocima zahtjeva** – TI BiH je u više od 70% slučajeva dobio potpune odgovore u zakonskom roku, dok su građani iste informacije dobili tek u 35% slučajeva. Trećina zahtjeva građana ostaje bez odgovora, a svaki deseti biva odbijen, što ukazuje na diskriminaciju i sistemsko uskraćivanje prava javnosti na informacije.

Proaktivna transparentnost dodatno je degradirana – broj sudova koji objavljuju godišnje planove pao je s 61 na svega 23, dok većina sudova i tužilaštava i dalje **ne objavljuje svoje budžete** na internet stranicama. Iako je zabilježen značajan napredak u redovnoj objavi rasporeda ročišta (71 od 74 suda), i dalje postoji ozbiljan deficit u objavi sudskih odluka – odluke 34 suda su i dalje nedostupne javnosti.

Dostupnost informacija o potvrđenim optužnicama značajno je povećan te je broj tužilaštava koja objavljuju kompletne optužnice sa 3 u 2022. povećan na 11 u prošloj godini, šest tužilaštava u BiH ne objavljuje informacije o predloženim mjerama pritvora u 2024. godini dok je u 2022. tu praksu pokazivalo samo jedno tužilaštvo.

Transparentnost pravosuđa ključna je za odgovornost institucija, povjerenje građana i borbu protiv korupcije, no analiza TI BiH i BIRN-a BiH pokazuje da sudovi i tužilaštva u BiH i dalje ne zadovoljavaju osnovne standarde otvorenosti. Istraživanja ukazuju na [proizvoljnu primjenu zakona](#) o slobodi pristupa informacijama, česta kašnjenja, nepotpune odgovore i kršenje zakonskih formi. Ovi rezultati odražavaju [širi trend](#) ograničavanja prava na pristup informacijama, što je TI BiH prepoznao još 2023. u [kritikama](#) na Prijedlog zakona koji umanjuje postojeća prava i nije usklađen s međunarodnim standardima.

TI BiH stoga podsjeća sve predstavnike institucija, a naročito iz oblasti pravosuđa, na važnost prava na slobodu pristupa informacijama i značaj proaktivne transparentnosti kao ključnih mehanizama za ostvarivanje prava građana i unapređenje pristupa pravdi, čime se jača odgovornost i integritet javnog sektora – što su ključne pretpostavke za efikasno suzbijanje korupcije.

r/b	Sud	Indeks 2024	Indeks 2022	Razlika
1.	Kantonalni sud u Zenici	87	65	+12
2.	Općinski sud u Tuzli	82	35	+47
3.	Vrhovni sud RS	80	56	+24
4.	Kantonalni sud u Livnu	79	73	+6
4.	Apelacioni sud Brčko Distrikt	79	40	+39
6.	Općinski sud u Gračanici	78	49	+20
7.	Kantonalni sud u Goraždu	77	41	+36
8.	Osnovni sud u Banjoj Luci	76	70	+6
9.	Općinski sud u Ljubuškom	75	43	+32
10.	Općinski sud u Visokom	74	63	+11
11.	Općinski sud u Goraždu	73	50	+23
12.	Općinski sud u Livnu	72	64	+8
13.	Okružni sud u Banjoj Luci	71	70	+1
14.	Općinski sud u Kaknju	70	56	+14
15.	Vrhovni sud FBiH	69	64	+5
15.	Okružni sud u Doboju	69	54	+15
15.	Općinski sud u Jajcu	69	36	+33
18.	Okružni sud u Istočnom Sarajevu	67	41	+26
19.	Kantonalni sud u Tuzli	65	56	+9
20.	Sud BiH	64	81	-17

20.	Kantonalni sud u Širokom Brijegu	64	74	-10
22.	Osnovni sud Brčko Distrikt	63	59	+4
22.	Općinski sud u Velikoj Kladuši	63	57	+6
22.	Kantonalni sud u Novom Travniku	63	61	+2
25.	Kantonalni sud u Sarajevu	61	41	+20
26.	Općinski sud u Sanskom Mostu	60	60	0
26.	Kantonalni sud u Bihaću	60	53	+7
28.	Općinski sud u Bugojnu	59	47	+12
29.	Osnovni sud u Prnjavoru	58	33	+25
29.	Općinski sud u Bihaću	58	50	+8
29.	Osnovni sud u Prijedoru	58	61	-3
29.	Osnovni sud u Gradišci	58	56	-2
33.	Osnovni sud u Novom Gradu	57	44	+13
33.	Osnovni sud u Mrkonjić Gradu	57	58	-1
35.	Osnovni sud u Kotor Varoši	56	36	+20
35.	Osnovni sud u Trebinju	56	60	-4
37.	Općinski sud u Živinicama	55	33	+22
37.	Općinski sud u Konjicu	55	60	-5
39.	Općinski sud u Žepču	53	28	+25
39.	Kantonalni sud u Odžaku	53	59	-6
39.	Kantonalni sud u Mostaru	53	40	+13

39.	Osnovni sud u Modriči	53	61	-8
43.	Osnovni sud u Bijeljini	52	60	+8
44.	Osnovni sud u Kozarskoj Dubici	51	38	+13
45.	Općinski sud u Orašju	50	59	-9
45.	Osnovni sud u Derventi	50	48	+2
45.	Opcinski sud u Kiseljaku	50	31	+19
48.	Općinski sud u Travniku	49	54	-5
49.	Općinski sud u Cazinu	48	36	+12
49.	Općinski sud u Gradačcu	48	36	+12
51.	Osnovni sud u Tesliću	46	82	-36
52.	Osnovni sud u Vlasenici	45	37	+8
52.	Osnovni sud u Srebrenici	45	26	-19
52.	Općinski sud u Lukavcu	45	44	+1
55.	Okružni sud u Trebinju	44	57	-13
56.	Osnovni sud u Višegradu	43	39	+4
56.	Općinski sud u Banovićima	43	29	+14
56.	Općinski sud u Širokom Brijegu	43	51	-8
56.	Osnovni sud u Foči	43	36	+7
60.	Općinski sud u Zenici	42	39	+3
61.	Općinski sud u Bosanskoj Krupi	41	57	-16
61.	Općinski sud u Čitluku	41	23	+18

63.	Općinski sud u Tešnju	37	35	+2
63.	Općinski sud u Čapljini	37	50	-13
65.	Osnovni sud u Sokocu	35	43	-8
66.	Okružni sud u Bijeljini	34	38	-4
66.	Okružni sud u Prijedoru	34	46	-12
68.	Općinski sud u Zavidovićima	32	37	-5
69.	Općinski sud u Mostaru	31	24	+7
70.	Općinski sud u Sarajevu	30	49	-19
70.	Općinski sud u Kalesiji	30	43	-13
70.	Osnovni sud u Doboju	30	38	-8
73.	Osnovni sud u Zvorniku	29	54	-25
74.	Općinski sud u Srebreniku	26	30	-4

r/b	Tužilaštvo	Indeks 2024	Indeks 2022	Razlika
1.	Tužilaštvo Brčko Distrikta BiH	85	75	+10
2.	Kantonalno tužilaštvo Zeničko-dobojskog kantona	81	63	+18
3.	Kantonalno tužilaštvo Posavskog kantona	77	75	+2
4.	Republičko javno tužilaštvo RS	76	68	+8
4.	Okružno javno tužilaštvo u Banjoj Luci	76	72	+4
6.	Kantonalno tužilaštvo Unsko-sanskog kantona	75	50	+25

6.	Kantonalno tužilaštvo Srednjobosanskog kantona	75	75	0
8.	Federalno tužilaštvo FBiH	73	55	+18
9.	Okružno javno tužilaštvo u Bijeljini	71	55	+16
10.	Tužilaštvo Bosne i Hercegovine	67	69	-2
11.	Okružno javno tužilaštvo u Istočnom Sarajevu	64	57	+7
11.	Kantonalno tužilaštvo Kantona 10/Livno	64	37	+27
13.	Kantonalno tužilaštvo Tuzlanskog kantona	59	67	-8
13.	Okružno javno tužilaštvo u Doboju	59	53	+6
15.	Kantonalno tužilaštvo Kantona Sarajevo	57	35	+22
16.	Okružno javno tužilaštvo u Prijedoru	53	68	-15
17.	Kantonalno tužilaštvo Zapadnohercegovačkog kantona	52	62	-10
18.	Kantonalno tužilaštvo Bosansko-podrinjskog kantona	46	47	-1
19.	Kantonalno tužilaštvo Hercegovačko-neretvanskog kantona	34	35	-1
20.	Okružno javno tužilaštvo u Trebinju	32	60	-28